

Laganefnd

Ólafur Haraldsson, Hörður
Svala Svavarsdóttir, Glaður
Ingvar Hjálmarsson, Smári
Sigurður Guðmundsson, Hörður
Guðrún Ósk Steinbjörnsdóttir, Þytur
Kristín Njálsdóttir, Sprettur
Thelma Víglundsdóttir, Sörli
Þorvarður Helgason Fákur
Óðinn Elísson, Adam

Þingskjal nr. 4

Flytjandi: Stjórn LH

Lagt fyrir: Laganefnd

Tillaga

60. Landsþing Landssambands hestamannafélaga, haldið í Stykkishólmi 14. og 15. október 2016, samþykkir eftirfarandi breytingu á grein 1.4.1 Kosning stjórnar, í Lögum og reglum LH:

Sitjandi stjórn láta vita hvort fulltrúar gefi kost á sér til áframhaldandi setu 4 vikum fyrir þing.

Er: „*Kjörgengir í stjórn eru allir félagar í hestamannafélögum sem eru aðilar að LH. Tilkynning um framboð til embættis formanns eða til stjórnar LH skal berast kjörnefnd minnst hálfum mánuði fyrir landsþing LH.*“

Bæta við: Sitjandi stjórnarmenn skulu tilkynna hvort þeir gefi kost á sér til áframhaldandi stjórnarstarfa minnst 4 vikum fyrir landsþing LH.

Verður: „*Kjörgengir í stjórn eru allir félagar í hestamannafélögum sem eru aðilar að LH. Tilkynning um framboð til embættis formanns eða til stjórnar LH skal berast kjörnefnd minnst hálfum mánuði fyrir landsþing LH. Sitjandi stjórnarmenn skulu tilkynna kjörnefnd hvort þeir gefi kost á sér til áframhaldandi stjórnarstarfa minnst 4 vikum fyrir landsþing LH.*“

Greinargerð

Með þessari breytingu gefst áhugasömum aðilum sem vilja gefa kost á sér til stjórnarsetu í LH tími til umhugsunar og til að vega og meta stöðuna.

Þingskjal nr. 4a

Breytingatillaga

Laganefnd leggur fram efirfarandi breytingatillögu:

Verður: „Kjörgengir í stjórn eru allir félagar í hestamannafélögum sem eru aðilar að LH. Tilkynning um framboð til embættis formanns eða til stjórnar LH skal berast kjörnefnd minnst hálfum mánuði fyrir landsþing LH. Sitjandi formaður og aðrir stjórnarmenn skulu tilkynna kjörnefnd hvort þeir gefi kost á sér til áframhaldandi stjórnarstarfa minnst 4 vikum fyrir landsþing LH.“

Laganefnd leggur til að breytingatillagan verði samþykkt

Breytingin felur í sér að formaður skal einnig tilkynna kjörnefnd með 4 vikna fyrirvara hvort hann gefi kost á sér til áframhaldandi stjórnarstarfa.

Þingskjal nr. 5

Flytjandi: Stjórn LH

Lagt fyrir: Laganefnd

Tillaga

60. Landsþing Landssambands hestamannafélaga, haldið í Stykkishólmi 14. og 15. október 2016, samþykkir eftirfarandi breytingu á grein 1.3 Formannafundur aðildarfélaga, í Lögum og reglum LH:

Grein 1.3.2 Hlutverk og seturéttur, breytist:

Er: „Formannafundur er ráðgefandi fyrir stjórn LH. Seturétt eiga eftirtaldir

- Stjórn og varastjórn LH
- Formenn allra aðildarfélaga LH
- Formenn starfsnefnda LH
- Formenn Gæðingadómarafélagsins og Íþróttadómarafélagsins

Skýlt er að boða til formannafundar ef helmingur formanna aðildarfélaganna óskar þess skriflega.“

Verður: „Formannafundur er ráðgefandi fyrir stjórn LH. Seturétt eiga eftirtaldir

- Stjórn og varastjórn LH
- Formenn allra aðildarfélaga LH, ásamt gjaldkera og/eða framkvæmdarstjóra og formönnum æskulýðsnefnda. Hvert félag hefur þó aldrei meira en eitt atkvæði.
- Formenn starfsnefnda LH
- Formenn Gæðingadómarafélagsins og Íþróttadómarafélagsins

Skýlt er að boða til formannafundar ef helmingur formanna aðildarfélaganna óskar þess skriflega.“

Grein 1.3.3 Dagskrá formannafundar, breytist:

Er: „Formannafundir fjallar meðal annars um:

- Málefni LH milli landsþinga
- Reikninga síðastliðins rekstrarárs
- 8 mánaða uppgjör reikninga ársins
- Endurskoðaða rekstraráætlun og rekstraráætlun næsta árs
- Skýrslur stjórnar og starfsnefnda

Á formannafundum má ekki gera breytingar á lögum LH né kjósa stjórn.“

Verður: „Formannafundir fjallar meðal annars um:

- Málefni LH milli landsþinga
- Reikningar LH lagðir fram til samþykktar. Skulu reikningarnir settir upp og endurskoðaðir af löggiltum endurskoðanda og áritaðir af skoðunarmönnum.
- 8 mánaða uppgjör reikninga ársins
- Endurskoðaða rekstraráætlun og rekstraráætlun næsta árs
- Skýrslur stjórnar og starfsnefnda

Á formannafundum má ekki gera breytingar á lögum LH né kjósa stjórn.“

Grein 1.2.4 Dagskrá landsþings, breytist:

Í 5. og 6. punkti er greinin svona:

„•Lagðir fram reikningar sambandsins til samþykktar. Skulu reikningarnir settir upp og endurskoðaðir af löggiltum endurskoðanda og áritaðir af skoðunarmönnum. Þá skal á landsþingi gerð grein fyrir rekstri fyrstu 8 - 9 mánuði ársins, sem er að líða.

•Gjaldkeri leggur fram fjárhagsáætlun til tveggja ára.“

Verður:

„•Reikningar síðasta rekstrarárs lagðir fram til samþykktar. Skulu reikningarnir settir upp og endurskoðaðir af löggiltum endurskoðanda og áritaðir af skoðunarmönnum. Þá skal á landsþingi gerð grein fyrir rekstri fyrstu 8 - 9 mánuði ársins, sem er að líða.

•Gjaldkeri leggur fram fjárhagsáætlun til eins árs.“

Greinargerð

Stjórn LH vill nota það tækifæri þegar allir formenn koma saman, að fá að auki gjaldkera félaganna til fundarins, sem og fulltrúa æskulýðsnefnda félaganna. Þetta er vettvangur sem stjórnin telur að nýta megi betur til þess að hreyfingin vinni betur saman að stórum málum og að um leið skapist umræðugrundvöllur fyrir margar raddir innan félaga okkar.

Stjórn LH vill færa það vald til formannafundar að fundarmenn hans geti samþykkt reikninga sambandsins, svo hægt sé að afgangi reikningana á hverju ári en ekki einungis á tveggja ára fresti á landsþingum og þá fyrir síðustu tvö rekstrarár í einu. Önnur sérsambönd innan ÍSÍ gera þetta á hverju ári og rétt þykir að halda fjármálum sambandsins í takt við nútímaaðferðir og áherslur.

Dingskjal nr. 5a

Flytjandi: Laganefnd

Lagt fyrir: Laganefnd

Laganefnd leggur fram eftirfarandi breytingartillögu:

Tillaga 60. Landsþing Landssambands hestamannafélaga, haldið í Stykkishólmi 14. og 15. október 2016, samþykkir eftirfarandi breytingu á grein 1.3 Formannafundur aðildarfélaga, í Lögum og reglum LH:

Grein 1.3.2 Hlutverk og seturéttur, breytist:

Verður: „Formannafundur er ráðgefandi fyrir stjórn LH. Seturétt eiga eftirtaldir

- Stjórn og varastjórn LH
- Formenn allra aðildarfélaga LH, ásamt gjaldkera og/eða framkvæmdarstjóra og formönnum æskulýðsnefnda. Hvert félag hefur þó aldrei meira en eitt atkvæði.
- Formenn starfsnefnda LH
- Formenn Gæðingadómarafélagsins og Íþróttadómarafélagsins

Skýlt er að boða til formannafundar ef helmingur formanna aðildarfélaganna óskar þess skriflega.“

Laganefnd leggur til að breytingatillagan verði samþykkt.

Breytingartillagan felur í sér að ekki er fallist á tillögu um breytingu á gr. 1.3.3 á lögum LH. Verði breytingartillaga samþykkt fellur um sjálft sig tillaga um breytingu á gr. 1.2.4.

Þingskjal nr. 16

Flytjandi: HÍDÍ

Lagt fyrir: Laganefnd

Tillaga

60. Landsþing Landssambands hestamannafélaga, haldið í Stykkishólmi 14. og 15. október 2016, samþykkir að gengið verði frá lagagerð fyrir lög sem voru samþykkt á landsþingi LH árið 2012.

Greinagerð

http://www.lhhestar.is/static/files/Landsting/2012/Afgreidsla_tillagna.pdf

Þingskjal nr. 40

Flytjandi: Hestaíþróttadómarafélag Íslands

Lagt fyrir: Keppnisnefnd

Niðurstaða þingsins: samþykkt

Tillaga:

58. Landsþing Landssambands hestamannafélaga, haldið í Reykjavík 19. og 20. október 2012, beinir þeim tilmælum til stjórnar LH að settar verði reglur um eftirfarandi:

Kafli 8.3.3 Dómarar

Setja þarf reglur um fjölda dómara miðað við fjölda skráninga á WR mótum.

Greinargerð:

Það er í hag keppenda að hafa ferska og einbeitta dómara að störfum allan tímann. Til dæmis ef mót er yfir 300 skráningar þá þarf að lágmarki 7 dómara.

Þingskjal nr. 16

Flytjandi: HÍDÍ

Lagt fyrir: Laganefnd

Laganefnd leggur til að vísa beri tillögunni frá.

Þarna er verið að gera tillögu á breytingu á lögum félagsins án þess að taka fram hvernig lögin eigi að breytast, tillaga er því ekki þingtæk. Það hafa ekki verið samþykktar breytingar á kafla 8.3.3. heldur var aðeins um að ræða tilmæli til stjórnar um að settar verði reglur um fjölda dómara á WR mótum. Enn á eftir að setja slíkar reglur

Þingskjal nr. 24

Flytjandi: Geysir, Sindri, Smári, Trausti, Háfeti, Sleipnir

Lagt fyrir: Laganefnd

Tillaga

60. Landsþing Landssambands hestamannafélaga, haldið í Stykkishólmi 14. og 15. október 2016, samþykkir að skerpa þurfi á að hestamannafélög fari eftir lögum um félagskipti og keppnisrétt sem stendur í kafla 3 í lögum LH. sérstaklega í grein 3.1. Ásamt því að breyta grein 3.3 í heild sinni í eftirfarandi:

3.3 félagskipti

Félagaskipti fara fram hjá hestamannafélögum sjálfum og fara þar eftir samþykktum reglum hvers hestamannafélags um félagskipti.

3.3.1. keppni og keppnisréttur

Keppandi getur aðeins tekið þátt í íþróttamóti/gæðingakeppni í nafni eins félags á sama keppnistímabili. Keppnisrétt öðlast nýr félagi sem fyrr greinir í grein 3.1 eftir einn mánuð, með því skilyrði þó að hann sé skuldlaus við sitt eldra félag.

(fella úr í 3.4 allar vísanir í kafla 3.)

hér er kaflinn eins og hann er í dag.

3 Almenn ákvæði fyrir gæðingakeppni, íþróttakeppni og kappreiðar

3.1 Um keppni

Keppni í hestaíþróttum, gæðingakeppni og kappreiðum skal fara fram skv. lögum og reglugerðum LH og ÍSÍ svo og öðrum reglugerðum sem LH hefur samþykkt. Keppnistímabilið er almanaksárið. Keppnistímabil í reglum þessum þýðir hvert byrjað keppnistímabil þar sem það á við. Aðeins félagsmönnum hestamannafélaga er heimil þátttaka í opinberum mótum innan vébanda ÍSÍ. Keppnisrétt öðlast íþróttamenn er þeir hafa verið einn mánuð á félagaskrá hlutaðeigandi hestamannafélags.

3.2 Keppendur og útbúnaður þeirra

Keppandi skal vera þrúður og háttvís, snyrtilega búinn, t.d. í félagsbúningi þess hestamannafélags sem hann keppir fyrir. Honum er skylt að sýna tillitssemi við hestinn og þrúðmannlega framkomu gagnvart öðrum keppendum, starfsmönnum svo og gestum mótsins. Öllum keppendum er skylt að nota áspenntan, viðurkenndan reiðhjál. Ef reiðhjálmur dettur af keppanda í keppni verður sýning hans ógild.

3.3 Félagaskipti

Félagaskipti skulu fara fram á eftirfarandi hátt:

3.3.1 Félagaskipti

Félagaskipti skulu fara fram á þar til gerðu eyðublaði, sem LH gefur út, og kallast félagaskiptaeyðublað. Eyðublaðið skal undirritað af viðkomandi keppanda, félagi því sem gengið er úr og félagi því sem gengið er í. LH staðfestir félagaskiptin og öðlast viðkomandi keppandi þar með keppnisrétt með hinu nýja félagi í fyllingu tímans. LH er ekki heimilt að staðfesta félagaskipti fyrr en undirskrift keppanda og viðkomandi félaga liggur fyrir.

3.3.2 Heimild til undirritunar félagaskipta

Heimild til að undirrita félagaskiptaeyðublað hafa:

- Formenn félaga eða staðgenglar þeirra.
- Formaður LH eða staðgengill hans.
- Viðkomandi keppandi, eða aðili með skriflegt umboð hans.

3.3.3 Keppandi og keppni

Keppandi getur aðeins tekið þátt í íþróttamóti/gæðingakeppni í nafni eins félags á sama keppnistímabili. Sjá þó greinar 3.3.4. og 3.4.

LH lög og reglur / 2016 – 1

Bls. 32 af 118

3.3.4 Heimild til félagaskipta

Heimilt er að skipta um félag á tímabilinu 1. janúar til febrúarloka ár hvert. Hafi keppandi ekki tekið þátt í móti s.l. tvö keppnistímabil, gilda þessi tímamörk ekki. Keppandi sem flytur lögheimili og dvalarstað sinn milli héraða innan keppnistímabilsins og gengur í félag á nýjum dvalarstað, hefur rétt á að keppa fyrir hið nýja félag sitt, þótt hann hafi áður á sama keppnistímabili keppt fyrir annað félag í sínum fyrri heimkynnum. Félagaskipti skulu fara eftir reglum um félagaskipti.

Heimilt er að draga félagaskipti til baka, hafi keppandi ekki tekið þátt í íþróttamóti með sínu nýja félagi á keppnistímabilinu, og öðlast hann þá keppnisheimild með sínu gamla félagi strax og hann hefur sannanlega lagt fram skriflega beiðni þar að lútandi til LH.

Óski keppandi félagaskipta skal hann greiða LH gjald, sem nemur kr. 2.500,- og greiðist við samþykki LH. LH er óheimilt að staðfesta félagaskipti nema gjald þetta sé greitt.

Félagi er óheimilt að synja keppanda um félagaskipti, sé hann skuldlaus við félagið.

LH skal tilkynna öllum félögum um félagaskipti keppenda eigi síðar en 7 dögum eftir að LH hefur

staðfest félagaskiptin.

3.4 Erlendir ríkisborgarar

Erlendum ríkisborgurum er heimil þátttaka í opinberum mótum innan vébanda ÍSÍ, öðrum en millilandaþeppni, að uppfylltu eftirfarandi skilyrði:

Keppandi sé löglegur félagi í hestamannafélagi og uppfylli ákvæði um keppnisrétt sbr. 3.1.

Um félagsskipti erlendra ríkisborgara gilda reglur greinar 3.3.

Erlendur ríkisborgari getur aldrei verið titlaður Íslandsmeistari, þótt hann sigri grein á Íslandsmóti og skal þá Íslandsmeistari krýndur sá íslenskur ríkisborgari sem er í næsta sæti við erlenda ríkisborgarann.

3.5 Viðurlög

Taki keppandi þátt í móti, þar sem ákvæðum 3.3. og 3.4. greinar er ekki fylgt, varðar það missi titils og verðlauna. Þá skal refsa keppanda og mótshaldara.

3.6 Um breytingar

Lagabreytingar og breytingar á reglugerðum, sem samþykktar eru á ársþingi LH, skulu berast til aðildarsambanda og formanna félaga í síðasta lagi í mars ár hvert. Þá skal stjórn LH senda með fundargerðum sínum samþykktir og reglugerðir, sem hún samþykkir milli ársþinga.

Greinargerð

aðeins hefur borið á því að félög hafi ekki farið eftir 1 grein í þessum kafla, sennilega ekki viljandi heldur vankunnáttu um þessi atriði í lögum LH. kafla 3.3 þarf að endurnýja þar sem allt er gert hjá hverju félagi fyrir sig og sennilega hefur þessu ekki verið fylgt eftir í fjölda mörg ár.

Þingskjal nr. 24

Flytjandi: Geysir, Sindri, Smári, Trausti, Háfeti, Sleipnir

Lagt fyrir: Laganefnd

Laganefnd leggur til að tillögunni verði vísað til stjórnar.

Laganefnd telur að tillagan þurfi frekari umræðu, hún varði viðamikilið efni og tillögur um lagabreytingar ekki fullkomlega útfærðar, þannig að hægt sé að afgreiða þær í nefndinni.

Laganefnd beinir því til stjórnar að hún skipi millipinganefnd til að endurskoða reglur 3. kafla laga LH um félagaskipti og keppnisrétt, þar sem núgildandi reglur eru um margt flóknar og að hluta til úreltar.